

TANGSHI KAISHU XINGSHU DUIZHAO ZITIE

唐
诗
楷
书
行
书
对
照
字
帖

西泠印社

骆恒光/书写

骆恒光编写

唐诗楷书行书对照帖

西泠印社

图书在版编目(CIP)数据

唐诗楷书行书对照字帖/骆恒光编著. —杭州:西泠印社, 2003. 1

ISBN 7-80517-587-X

I. 唐... II. 骆... III. ①钢笔字—楷书—法帖
②钢笔字—行书—法帖 IV. J292.12
中国版本图书馆 CIP 数据核字(2002)第 107765 号

西泠印社出版发行

杭州东坡路 90 号(邮政编码: 310006)

责任编辑: 许晓俊 封面设计: 张 涛 责任出版: 李 兵

全国新华书店经销 杭州余杭大华印刷厂印刷

开本: 889×1194 1/16 印张: 9

2003 年 1 月第 1 版 第 1 次印刷

印数: 00 001—5 000

ISBN 7-80517-587-X/J·588

定价: 18.00 元

奉和春初幸太平公主南莊應制

宋之問

青門路接鳳凰臺
素澹宸遊龍騎來
澗草自迎香輦合
巖花應待御筵開
文移北斗成天象
酒近南山作壽杯
此日侍臣將石去
共歡明主賜金回

行經華陰

崔顥

岧峣太華俯咸京
天外三峯削不成
武帝祠前雲欲散
仙人掌上雨初晴
河山北枕秦關險
驛樹西連漢時平
借問路旁名利客
無如此處學長生

送魏萬之京

李 頎

朝聞遊子唱離歌
昨夜微霜初度河
鴻雁不堪愁裏聽
雲山況是客中過
關城曙色催寒近
御苑砧聲向晚多
莫見長安行樂處
空令歲月易蹉跎

題盧五舊居

李 頎

物在人亡無見期
閑庭繫馬不勝悲
窗前綠竹生空地
門外青山如舊時
悵望秋天鳴墜葉
巘枯柳宿寒鴟
憶君淚落東流水
歲歲花開知為誰

寄司勳盧員外

李頎

流澌臘月下河陽
草色新年發建章
秦地立春傳太史
漢宮題柱憶仙郎
歸鴻欲度千門雪
侍女新添五夜香
早晚薦雄文似者
故人今已賦長楊

送方尊師歸嵩山

王維

仙宮欲往九龍潭
旄節朱幡倚石龕
山壓天中半天上
洞穿江底出江南
瀑布杉松常帶雨
夕陽蒼翠忽成嵐
借問迎來雙白鶴
已曾衡嶽送蘇耽

送楊少府貶郴州

王維

明到衡山與洞庭若為秋月聽猿聲愁看北渚三湘遠惡
說南風五兩輕青草瘴時過夏口白頭浪裏出湓城長沙
不久留才子賈誼何須弔屈平

敕賜百官櫻桃

王維

芙蓉闕下會千官紫禁朱櫻出上闌纔是寢園春薦後非
關御苑鳥銜殘歸鞍競帶青絲籠中使頻傾赤玉盤飽食
不須愁內熱大官還有蔗漿寒

和賈舍人早朝大明宮之作

王維

絳幘雞人報曉籌，尚衣方進翠雲裘。
九天閭闔開宮殿，萬國衣冠拜冕旒。
日色纔臨仙掌動，香煙欲傍衮龍浮。
朝罷須裁五色詔，佩聲歸到鳳池頭。

奉和聖製從蓬萊向興慶閣道中留春雨中春望
之作應制

王維

渭水自縈秦塞曲，黃山舊繞漢宮斜。
銮輿迴出千門柳，閣道迴看上苑花。
雲裏帝城雙鳳闕，雨中春樹萬人家。
為乘

陽氣行時令不是宸遊翫物華

鸚鵡洲

李白

鸚鵡來過吳江水江上洲傳鸚鵡名
鸚鵡西飛隴山去芳洲之樹何青青
煙開蘭葉香風暖岸夾桃花錦浪生
遷客此時徒極目長洲孤月向誰明

送賀監歸四明應制

李白

久辭榮祿遂初衣曾向長生說息機
真訣自從茅氏得恩波應許洞庭歸
瑤臺含霧星辰滿仙嶠浮空島嶼微
借問

欲棲珠樹鶴何年却向帝城飛

同陳留崔司戶早春宴蓬池

高適

同官載酒出郊圻晴日東馳雁北飛
隔岸春雲邀翰墨傍簷垂柳報芳菲
池邊轉覺虛無盡臺上偏宜酩酊歸
州縣徒勞那可度後時連騎莫相違

送李少府貶峽中王少府貶長沙

高適

嗟君此別意何如駐馬銜杯問謫居
巫峽嘯猿數行淚衡陽歸雁幾封書
青楓江上秋帆遠白帝城邊古木疎
聖代

即今多雨露暫時分手莫躊躇

東平別前衛縣李宋少府

高適

黃鳥翩翩楊柳垂春風送客使人悲
怨別自驚千里外論交却憶十年時
雲開汶水孤帆遠路繞梁山匹馬遲
此地從來可乘興留君不住益淒其

諸將五首

杜甫

漢朝陵墓對南山胡虜千秋尚入關
昨日玉魚蒙葬地早時金盃出人間
見愁汗馬西戎逼曾閃朱旗北斗殷
多少

材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇馬翻
然遠救朔方兵胡來不覺潼關隘龍起猶聞晉水清獨使
至尊憂社稷諸君何以答昇平

洛陽宮殿化為烽休道秦關百二重滄海未全歸禹貢薊
門何處盡堯封朝廷衮職誰爭補天下兵車不自供稍喜
臨邊王相國肯銷金甲事春農

迴首扶桑銅柱標冥冥氛祲未全銷越裳翡翠無消息南

海明珠久寂寥殊錫曾為大司馬總戎皆挿侍中貂炎風
朔雪天王地只在忠臣翊聖朝

錦江春色逐人來巫峽清秋萬壑哀正憶徃時嚴僕射共
迎中使望鄉臺主恩前後三持節軍令分明數舉杯西蜀
地形天下險安危須仗出羣材

秋興八首

杜甫

玉露凋傷楓樹林巫山巫峽氣蕭森江間波浪兼天湧塞
上風雲接地陰叢菊兩開他日淚孤舟一繫故園心寒衣

處處催刀尺白帝城高急暮砧

夔府孤城落日斜每依南斗望京華聽猿實下三聲淚奉
使虛隨八月槎畫省香爐違伏枕山樓粉堞隱悲笳請看
石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎汎清
秋鷺子故飛飛匡衡抗疏功名薄劉向傳經心事違同學
少年多不賤五陵衣馬自輕肥

聞道長安似奕棋百年世事不勝悲王侯第宅皆新主文

武衣冠異昔時直北關山金鼓振征西車馬羽書馳魚龍
寂寞秋江冷故國平居有所思

蓬萊宮闕對南山承露金莖霄漢間西望瑤池降王母東
來紫氣滿函關雲移雉尾開宮扇日繞龍鱗識聖顏一卧
滄江驚歲晚幾回青瑣點朝班

瞿唐峽口曲江頭萬里風煙接素秋花萼夾城通御氣芙
蓉小苑入邊愁朱簾繡柱圍黃鶴錦纜牙樯起白鷗回首
可憐歌舞地秦中自古帝王州

昆明池水漢時功
武帝旌旗在眼中
織女機絲虛夜月
石鯨鱗甲動秋風
波漂菰米沈雲黑
露冷蓮房墜粉紅
關塞極天唯鳥道
江湖滿地一漁翁

昆吾御宿自逶迤
紫閣峯陰入漢陂
紅稻啄殘鸚鵡粒
碧梧棲老鳳凰枝
佳人拾翠春相問
仙侶同舟晚更移
綵筆昔曾干氣象
白頭吟望苦低垂

詠懷古跡五首

杜甫

支離東北風塵際
漂泊西南天地間
三峽樓臺淹日月
五

溪衣服共雲山羯胡事主終無賴詞客哀時且未還庾信
平生最蕭瑟暮年詩賦動江關

搖落深知宋玉悲風流儒雅亦吾師悵望千秋一灑淚蕭
條異代不同時江山故宅空文藻雲雨荒臺豈夢思最是
楚宮俱泯滅舟人指點到今疑

羣山萬壑赴荆門生長明妃尚有村一去紫臺連朔漠獨
留青塚向黃昏畫圖省識春風面環珮空歸月夜魂千載
琵琶作胡語分明怨恨曲中論